

آبونه شرائطی : هریر ایچون  
سنه لکی (۴۰۰) آتی آیلنی  
(۲۲۵) ممالک اجنیه ایچون  
سنه لکی (۴۵۰) ، آتی آیلنی  
(۲۵۰) غروشدور .

نسخه سی ۷,۵ غروشدور .  
سنه لکی ۵۰ عددور .

اداره خانه : باب عالی جاده سنده  
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه  
قبول اولنور . درج ایدله یین  
یازیله اعاده اولنماز .

# الکتابخانه

شماره ۱۳۳۰

آدره من تبدیلندم ایریجه  
غروشن کوندردملیدر .

مکتوبلرک امضاری واضح  
واوقوناقلی اولسی و آبونه  
صره نومروسی محتوی  
بولونسی لازمدر

ممالک اجنیه ایچون آبونه  
اولانلرک آدرس لرینک  
فرالسزجه یازلسی رجا اولنور .

پاره کوندردلیکی زمان نهیه  
دائر اولدیفی بیلدیرلسی  
رجا اولنور

اتبعون اهدکم سبیل الرشاد

صاحب و مدیر  
اشرف ادیب

باش محرر  
محمد عاکف

والله یهدی من یشاء الی صراط مستقیم

## ملک استہدیک

آنقرہ دن ارضوم مبعوث ضیاءک افندی طرفدن کوندریلیور :

سبیل الرشاد ہربرہ اسلامیت

مشروطیتک ظہورندبری سیاسی بر مقصد تعقیب ایتیمہرک یالکیز بشریتک مادی ، معنوی احتیاجاتی تطمین و ہیئت اجتماعیہک سعادتتی تأمین ایدن دین مبینک حقایقی ، غوامضی تشریح و نشر و تعمیم ایله عالم اسلامی فیضیاب ایدن محترم غزنیہ کز عموم ملتک مظهر توجہ و قبولی اولمشدر . جریدہ محترمہ کز کبی بوقدر انقلابات دورلرنده هیچ بر جریانه تابع اولیہرق لاقیدلر آرمسندہ حساس ، دالقاوکلر میاسندہ حق و فضیلتپرست اولملہ مزایای نجیبہ اسلامیہ و انسانیتک مقام بلندی احراز ایدن بر مجموعہ ایچون بتون مسلمان قلبلرینک اک محترم گوشہ سنده صمیمی برحبت بسله نیور . اوتہ دنیبری اسلامک احکام و شعائرینی ، اجتماعیاتی ، آداب دینیہ و ملیہ سنی و ہنہ اوغراتمق ایستہین برکروہ لایفکحون ایچونده ہر طرفدن عموم ملتک وجدانندن فوران ایدن حس نفرت و صدای تلین دایما یوکسہ لیور . غریبک بتون معارفی ، صناعی آلمق صورتیلہ ہر فرد ترقی و تجمدد ایستہ یور . فقط حسیاتی ، عقائدینی ، ہویت و وحدت ملیہ سنی خللندن مصصون بولندیرہ جق بر تجمدد ایستہ یور . اسلام قادیلرینک بارلہ کیدوب اسلام و خرسدیان کنجریلہ قول قولہ دانس و شانولردہ آقریسلاک ایتدیرمکہ و دیگر مواقعہ قاریشق اوطورتدیرمق کبی شعار اسلامیہ و اخلاق عمومیہی چیکنتہرک عفت و ناموس ملیہ سنی باشقہ لرینک تأمین ذوقی یولندہ فدا ایتدیرمہی خوش کورن و تشویق ایدن توردہ دیلرلہ حکومت ملیہ منہک مناسبت و علاقہ سنی اولہ من . چونکہ ملتی غریبک عرفایلہ دکل ، چرکاب و رذائلیلہ تلویث ایتک ایستہین و اتحاد حکومتی زمانندہ دخی اسلامیتہ منافی بر طاقم ہذیان نشریاتلہ افکار عمومیہی تہییج و او ادارہی سقوطہ محکوم ایدن بوشر ذمہ قلیلہ ہیئت عمومیہ جہ معلومدر . قانلرینی بیلہ احکام شرعیہ ایلہ تأیید و تثبیت ایدن حکومتیز ، بو مقربوب کبی سایہ سنده کچندیکی وجودک قاتی تسمیمہ چالیشان اسافلی طانیر ، مہیتلرینی بیلیر و غرب سفاہتی آرزوسیلہ دماغلری تفسیح ایدن بر قاج سرسرینک دوشونجہ سیلہ ملیونلرلہ اسلام کتلہ سنک یورودیلا میہ جکفی دہ تقدیر ایدر و ایدہ جکدر . مع مافیہ انتقام الہینک شکل مخصوصی یوقدر . فضاحت فضیلتہ غلبہ ایتک ایستہیجہ کندی ثقاتی آلتندہ ازیا چکی قانون خلقت اقتضاسندندر . ( فسیعلم الذین ظلموا ای منقلب ینقلبون ) الآیہ

ارضوم مبعوث

۲۶ تشرین ثانی سنہ ۱۳۳۹ ، آنقرہ

ضیاءالرمہ

نجم الدین صادق بک بویلہ سویلہ یبیلیر . فقط بوکون سویلہ یمن . سویلرہ افترایتمش اولور .

صوکرہ معاملاندہ شریعتی طامیق ارتجاع اولدیغنی سویلیور . دیمک کہ نجم الدین صادق بک کورہ بوتون مملکت خلقتی ، بویوک ملت مجلسی ، حکومت ہمسای اہل ارتجاعدر . زیرا بوکولہ لحد ہمسای شریعتی طانیور . ملتیز باشند بانیہ کمال صدق و خلوص ایلہ شرع محمدی بہ مطیعدر . و حکومتی دہ بز بویلہ یلیورز . مجلس اعضای آرمسندہ نجم الدین صادق بکک فکرنده بر طاقیم ذوات وار ایسہ اولنلرک کیمک نامہ بوفکرده بولوندقلرینی بیلمیورز . ہر حالہ بزم ملتیز آرمسندہ نجم الدین صادق بکک فکرنده اولانلرک ہمسای بر آرمہ طویلانسہلر ، بکونلرینک جذر مکعبی دہ آلسہلرینہ بر مبعوث چیقارہ جق قدر بیلہ حد نصابی بولہ مازلر . او حالہ شریعتی معاملاندہ طامیق ایستہینلرک ، یعنی دینک احکام دنیویہ سنی نسخ و ابطال ایتک ایستہینلرک سوزلری بوملت نامہ دکل ، بلکہ روس ملتی ، یاخود فرانسیز ملتی ، یاخود دیگر یابانچی بوملت نامہ اولہ بیلیر .

صوکرہ اسلامدہ سلطنت روحانیہ اولمادیغنی ایچون دولہ بویلہ بر صفت بخش ایتک ایستہینلردہ مسلمانلر آرمسندہ بولونہ ماز . بوکبی آداملردہ اولسہ اولسہ اسلامک غیری ملتدرہ بولونہ بیلیر .

الحاصل نجم الدین صادق بکک بو مقالہ لری علوم اجتماعیہ و دینیہ نقطہ نظرندن بر قیمت علمیہی حائر اولمادیغنی کبی سیاست دہ هیچ بر فائدہی متضمن دکادر ، بلکہ حقیقتہ مخالف اولملہ ضرری مؤیددر . بک محتاج اولدیغمز ( تجمدد ) ی ملتہ بوسورتلہ کوسترمک ایستہینلرک مقصدینی طوغروسوی بز آکلایہ مایورز . بز ( تجمدد ) ی خلقہ قارشی بویلہ قوانین شرعیہک حکمدن ساقط اولمسی سکلندہ کوسترسہک بوندن منفعتی ، یوقسہ مضرت می حاصل اولہ جغنی آکلماق ایچون اوقدر بویوک ادراک صاحبی اولہ یہ احتیاج یوقدر . آزیحق عقلنک حکمنہ اطاعت کوسترنلر بونی آکلایہ بیلیر . نجم الدین صادق بک ، سز دارالفنون معلمی اولہ جقسکیز ، سزہ بویلہ باشی بوش قلملرک کاری اولان یازیلر یاقیشماز . سز منسوب اولدیغکیز دارالفنونک حیثیتی دہ محافظہ ایتککہ مأمورسکیز .

تجمددی بویلہ قورقونج بر شکلدہ کوسترتہرک خلقتی تجمدددن صوغوتمقدن هیچ بر فائدہ حاصل ولماز . تجمددی خلقہ سودیرما من لا مدر . اساساً تجمدد ایلہ مسلمانلر شرعاً مأموردر . شوقدرکہ بو تجمدد ہویت ملیہی محافظہ ایدہ بیلہ جک بر شکلدہ اولمالیدر . بز مسلمان قالہرق تجمدد ایتک ایستہ یورز . مسلمانلنی بر طرف ایدرک حصولہ کلہ جک تجمددی ملت ایستہ میور . چونکہ او ، تجمدد دکل ، نصردر . آکلادیگزمی نجم الدین صادق بک افندی !